

peticion de aq̄llos q̄ lo pidierē. E sy informació nonie pudiere fallar en n̄ra corte m̄adaremos enbiar d̄na buena p̄sona sy n̄ sospecha ala tal cibdad / o villa a n̄ra costa pa q̄ aya informació sobre el tal caso 7 la traya ante nos. E sy se fallare q̄ no es necesario corregidor q̄ nō le entēdemos enbiar. E en tal caso m̄adamos que sy fuere fallado non se menester q̄ la p̄sona o p̄sonas q̄ lo d̄niēren demādar pague el salario. 7 costas.

Ley. ij. que non se enbie corregidor alas cibdades 7 villas antes que se fa ga pesquisa.

establescemos q̄ las justicias d̄ las n̄ras cibdades 7 villas 7 logares cada 7 quādo algun escādalo rrecreciere enellas en q̄ las d̄has n̄ras justicias non puedan pueer q̄ luego seā tenidos de nos lo enbiar notificar 7 fazer saber. So pena de perder los oficios. E nos non entendemos enbiar corregidor juez nin pesq̄sidoz general mas sola mēte enbiar pesq̄sidoz sobre aq̄l solo negocio. E nō mas nin allende nin en otra manera alguna. E es n̄ra merced q̄ el tal pesq̄sidoz non vaya .A costa

n̄ra nin dela cibdad villa nin lo gar mas a costa delas p̄tes a q̄en tocare 7 a costa dela justicia por cuy a negligēcia nos odieremos de enbiar el tal corregidor juez. o pesq̄sidoz. E que en tanto q̄ la dicha informacion se fiziere. que la justicia sea suspēsa del oficio quanto en aq̄l caso. E otrosy non entendemos pueer a p̄sona alguna de corregim̄ de aq̄ adelante por mas de dn̄ año. E q̄ en aq̄l año. sea tenido el corregidor o juez o pesq̄sidoz de fazer cooplida diligēcia cerca del oficio q̄ le fuere encomēdado. E sy asy non lo fiziere sea tenido detornar ala cibdad villa / o logar todo el salario que dellos ouiere rrecebido por el tal corregim̄ o juzgado. E d̄na p̄sona nō pueda tener dos corregimientos salvo d̄no 7 m̄adamos otrosy que. sy allende de dn̄ año la cibdad o villa o logar pidiere corregidor por mas tiempo .q̄ le non sea da do aq̄l quel d̄ho oficio tenia mas otro que nos mandaremos. E otrosy madamos q̄ los corregidores syruan por sy. 7 nō por sustitutos. E por q̄ esta ley fecha por el rrey don juā n̄ro padre en las cortes de camora. 7 de burgos nos la cōfirmamos 7 m̄adamos guardar en las cortes. q̄ fizimos

El rrey. dō
Juan ij. en ca
mora. año de
Mccc. xxxij.
El. mesm̄o
En burgos
año. De mill
ccc. xxx.
E. en palen
quela año de
Mlccc. xxx.
El. mesm̄o
En. madrid
Año. de mill
ccc. xxx. ij.
En villaadob̄
año de Mlccc.
xl. ij.